

- I. Umumiy qoidalar
- II. Jamiyatning yirik bitimlarini aniqlash va o'rganish tartibi
- III. Jamiyatning yirik bitimlarini tayyorlash, ma'qullash va tuzish tartibi
- IV. Jamiyatning yirik bitimlarini tuzish tartibiga rioya etilishini nazorat qilish
- V. Jamiyatning yirik bitimlari to'g'risidagi axborotni oshkor etish
- VI. Jamiyatning yirik bitimlariga doir hujjatlarni saqlash
- VII. Javobgarlik
- VIII. Yakuniy qoidalar

«Dehqonobod kaliy zavodi» aksiyadorlik jamiyatining  
yirik bitimlarini tuzish  
TARTIBI

{ 1 }

I. UMUMIY QOIDALAR

1. Ushbu «Dehqonobod kaliy zavodi» aksiyadorlik jamiyatining yirik bitimlarini tuzish Tartibi (keyingi o'rinlarda – Tartib) O'zbekiston Respublikasining «Aksiyadorlik jamiyatlari va aksiyadorlarning huquqlarini himoya qilish to'g'risidagi Qonuni (keyingi o'rinlarda – Qonun), boshqa me'yoriy-huquqiy hujjatlar, Korporativ boshqaruv Kodeksi (Aksiyadorlik jamiyatlarini faoliyatining samaradorligini oshirish va korporativ boshqaruv tizimini takomillashtirish komissiyasining 2015-yil 31-dekabrda 9-son majlis bayoni bilan tasdiqlangan) tavsiyalari, «Dehqonobod kaliy zavodi» aksiyadorlik jamiyatining (keyingi o'rinlarda - Jamiyat) Ustavi va Jamiyatning boshqa ichki hujjatlari asosida ishlab chiqilgan.
2. Ushbu Tartib Jamiyatning yirik bitimlarini aniqlash tartib-taomillariga, o'rganishga, tayyorlashga, qarorlar qabul qilishga va tuzishga bo'lgan asosiy talablarni belgilaydi.
3. Ushbu Tartib Jamiyatda, shu jumladan Jamiyatning yirik bitimlarini tuzishda ichki nazoratning samarali tizimini tashkil etish maqsadida ishlab chiqilgan.
4. Jamiyatning yirik bitimlarini tuzish Jamiyatning muhim korporativ harakatlari sirasiga kiradi, yirik bitimlarini tuzish qonun hujjatlari, Jamiyatning Ustavi va ichki hujjatlari talablariga muvofiq amalga oshirilishi shart.

II. JAMIYATNING YIRIK BITIMLARINI ANIQLASH VA O'RGANISH  
TARTIBI

5. Jamiyat tomonidan mol-mulkni olish yoki uni boshqa shaxsga berish yohud mol-mulkni boshqa shaxsga berish ehtimoli bilan bog'liq bitim (shu jumladan qarz, kredit, garov, kafillik) yoki o'zaro bog'langan bir nechta bitim, agar boshqa shaxsga berilayotgan mol-mulkning yoki olinayotgan mol-mulkning balans qiymati bunday bitimlarini tuzish to'g'risidagi qaror qabul qilinayotgan sanada Jamiyat sof aktivlari miqdorining 15 (o'n besh) foizidan ortig'ini tashkil etsa, yirik bitim deb hisoblanadi, kundalik xo'jalik faoliyatini yuritish jarayonida tuziladigan bitimlar hamda aksiyalarni va boshqa qimmatli qog'ozlarni joylashtirish bilan bog'liq bo'lgan bitimlar bundan mustasno.  
Korporativ boshqaruv kodeksi tavsiyalariga muvofiq Yagona aksiyador Ijroiya organining yirik bitimlarini mustaqil tuzishi uchun Jamiyatning joriy xo'jalik faoliyati bilan bog'liq bitimlar ro'yxatini aniqlaydi.  
Jamiyatning yillik biznes-rejasini tayyorlashda Jamiyatning ushbu jarayonda ishtirok etadigan tuzilmaviy bo'linalmalari reja yilida tuzilishi rejalashtirilayotgan yirik bitimlar aniqlangan taqdirda, ushbu bitimlar to'g'risidagi axborotni ushbu bitimlar bo'yicha o'z vaqtida belgilangan tartibda qaror qabul qilish uchun Ijroiya organi rahbariga ma'lum qilishadi.
6. Jamiyatning yirik bitimni tuzishda yirik bitim predmeti bo'lgan mol-mulk Jamiyat tomonidan bozor qiymati bo'yicha boshqa shaxsga beriladi.
7. Qonunga muvofiq "Jamiyatning yirik bitimi predmeti bo'lgan mol-mulkning bozor qiymati deganda mol-mulkning eng ehtimol tutilgan narxi tushunilib, ushbu qiymat bo'yicha mazkur mol-mulk ochiq bozorda bitimning taraflari barcha zarur axborotga ega bo'lgan holda o'z manfaatlari yo'lida oqilona va ixtiyoriy ravishda harakat qiladigan raqobat sharoitida boshqa shaxsga berilishi mumkin, bitim narxining baland-pastligida esa biror-bir favqulodda holatlar, shu jumladan, taraflardan birining ushbu bitimga qo'shilish majburiyati aks etmaydi."
8. Jamiyat mol-mulkning bozor qiymatini aniqlash uchun bitimning taraflari tomonidan baholovchi tashkilot jalb etilishi mumkin.
9. Qonunga muvofiq Jamiyat Kuzatuv kengashi mol-mulkning bozor qiymatini aniqlashni tashkil etadi.  
Jamiyat Kuzatuv kengashi Ijroiya organiga boshqa shaxsga berilayotgan mol-mulkning bozor qiymatini belgilangan tartibda aniqlashni topshiradi.
10. Jamiyat tomonidan boshqa shaxsga berilayotgan mol-mulkning bozor qiymati quyidagicha aniqlanishi mumkin:  
yozma so'rov yuborish yo'li bilan birja kotirovkasi asosida;  
baholovchi tashkilot bilan tegishli shartnoma tuzish yo'li bilan baholash asosida.
11. Agar aksiyalar va korporativ obligatsiyalar (portfel aktivlari) Jamiyatning yirik bitimi

{ 3 }

{ 2 }

predmeti hisoblanasa, Qonunga muvofiq "Qimmatli qog'ozning bozor qiymati deganda eng ehtimol tutilgan narx tushunilib, unga ko'ra mazkur qimmatli qog'oz ochiq bozorda bitimning taraflari barcha zarur axborotga ega bo'lgan holda o'z manfaatlari yo'lida oqilona va ixtiyoriy ravishda harakat qiladigan raqobat sharoitida boshqa shaxsga berilishi mumkin, bitim narxining baland-pastligida esa biror-bir favqulodda holatlar, shu jumladan, taraflardan birining ushbu bitimga qo'shilish majburiyati aks etmaydi.

Agar qimmatli qog'ozlar fond birjasining birja kotirovkasi varag'iga kiritilgan bo'lsa, ularning birja kotirovkalari mazkur qimmatli qog'ozlarning bozor qiymati deb e'tirof etiladi."

11. Jamiyat tomonidan boshqa shaxsga berilayotgan portfel qimmatli qog'ozlarning bozor qiymati quyidagicha aniqlanishi mumkin:  
fond birjasining kotirovkasi asosida;  
baholash asosida.

12. Agar boshqa shaxsga berilayotgan mol-mulk(ko'chmas mulk, qimmatli qog'ozlar, moddiy aktivlar va boshqalar)ning bozor qiymati bunday bitimlarini tuzish to'g'risidagi qaror qabul qilinayotgan sanada Jamiyat sof aktivlari miqdorining 15 (o'n besh) foizidan ortig'ini tashkil etsa, bunday bitim yirik deb hisoblanadi va u bo'yicha qaror Jamiyat Kuzatuv kengashi tomonidan qabul qilinadi.

14. Agar qimmatli qog'ozlar – aksiyalar, obligatsiyalar mol-mulk xarid qilish bo'yicha yirik bitimning predmeti hisoblanasa, Jamiyat tomonidan olinayotgan qimmatli qog'ozlar qiymati Birja savdolari qoidalariga muvofiq fond birjasi savdolarida shakllangan narx bo'yicha belgilanadi.

15. Agar yirik bitim qarz, kredit, garov, kafillik hisoblanasa, qarzni, kreditni, garovni yoki kafillikni ta'minlovchi mol-mulkning bozor qiymati aniqlanadi.

16. Jamiyat Ijroiya organining rahbari yirik bitimlar sirasiga kiradigan shartnomalarni aniqlash bo'yicha ishni tashkil etadi.

Jamiyatning kutilayotgan yirik bitimlarini aniqlash Jamiyat tomonidan tuziladigan shartnomalarning ekspertizasi natijasida amalga oshiriladi.

17. Jamiyat buxgalteriyasi har chorakda hisobot davridan keyingi o'ning 30-sanadidan kechiktirmay, Jamiyat sof aktivlarining balans qiymatini aniqlaydi va Jamiyat Ijroiya organi, korporativ maslahatchi va Jamiyatning tuzilmaviy bo'linalmalari rahbarlari e'tiboriga yetkazadi.

18. Jamiyat nomidan shartnomalarni tuzishga jalb etilgan Jamiyatning tuzilmaviy bo'linalmalari rahbarlari shartnomalarning ekspertizasini o'tkazishda ushbu bitim yirik hisoblanishini tekshirishadi, buning uchun:

ushbu bitimni kundalik xo'jalik faoliyati jarayonida tuziladigan bitim sifatida hisoblash mumkin yoki mumkin emasligini aniqlashadi;  
ushbu bitim Jamiyatning aksiyalari va boshqa qimmatli qog'ozlarini joylashtirish hisoblanishini aniqlashadi;

boshqa shaxsga berilayotgan mol-mulkning balans va bozor qiymatini oxirgi hisobot sanasidagi (shartnomani tuzish sanasidagi) buxgalterlik hisoboti ma'lumotlariga muvofiq yoki shartnoma loyihasiga muvofiq olinayotgan mol-mulkning qiymatini aniqlashadi;

boshqa shaxsga berilayotgan mol-mulkning balans va bozor qiymati yoki olinayotgan mol-mulkning qiymati oxirgi hisobot sanasidagi (shartnomani tuzish sanasidagi) buxgalterlik hisoboti ma'lumotlariga muvofiq Jamiyat sof aktivlari balans qiymatining 15 (o'n besh) foizidan ortishi yoki ortmasligini aniqlashadi.

19. Kutilayotgan bitimda yirik bitim alohatlari aniqlanganda, Jamiyatning ekspertiza o'tkazayotgan tuzilmaviy bo'linalmalari rahbarlari Jamiyat Ijroiya organi rahbariga kutilayotgan bitim yirik bitimlar toifasiga kirishi to'g'risida bildirishnoma, shuningdek boshqaruvning qaysi organi ushbu yirik bitimni amalga oshirish huquqiga ega ekanligi to'g'risidagi xulosalarni taqdim etishadi.

20. Yirik bitim belgilariga ega kutilayotgan bitim kundalik xo'jalik faoliyati jarayonida tuziladigan bitimlar sirasiga kirganligi yoki Jamiyat aksiyalari va boshqa qimmatli qog'ozlarini

{ 4 }



HISOBOT YILIDA TUZILGAN YIRIK BITIMLAR RO'YXATI					
N	Bitim tuzilgan sana	Kontragentning F.I.Sh. yoki to'liq nomi	Bitim predmeti	Summasi	Emitent bitim bo'yicha kim hisoblanadi (tovar va xizmatlarni oluvchi/begonilashtiruvchi)

EMITENTNING NOMI	
1.	To'liq:
	Qisqartirilgan:
	Birja tickerining nomi:*
ALOQA MA'LUMOTLARI	
2.	Joylashgan yeri:
	Pochta manzili:
	Elektron pochta manzili:*
	Rasmiy veb-sayti:*
MUHIM FAKT TO'G'IRISIDA AXBOROT	
3.	Muhim faktning raqami: 20
	Muhim faktning nomi: Emitent tomonidan yirik bitim tuzilishi
	Kontragentning F.I.Sh. yoki to'liq nomi:
	Kontragentning joylashgan yeri (pochta manzili):
	Emitentning bitim bo'yicha qaror qabul qilgan organi:
	Qaror qabul qilingan sana:
	Emitent sof aktivlarining bitim tuziladigan sanadan

oldingi chorak yakunidagi qiymati (ming so'mda):	
Bitim summasi (so'mda):	
Bitimning emitent sof aktivlaridagi miqdori (%da)	
Bitim tuzilgan sana:	
Bitim turi:	
Bitim predmeti:	
Bitim bo'yicha emitent kim hisoblanadi:	Oluvchi
	Begonilashtiruvchi

Ijroiya organi rahbarining F.I.Sh.: \_\_\_\_\_

Bosh buxgalarning F.I.Sh.: \_\_\_\_\_

Veb-saytda axborot joylashtirgan vakolatli shaxsning F.I.Sh.: \_\_\_\_\_